

IN FVNERE

ILLVSTRISS.^{MI} AC REVER.^{MI}
IO: BAPTISTAE ZENI
S. R. E. CARD. AMPLISS.

Oratio

A LEONARDO DE VICO, IACOBI
à Secretis Excellentissimi Senatus Filio.

Et Io: ANTONII GROMI alumno.

In Augustissimo D. Marci Templo,

SERENISS. PRINCIPE, SENATVQ.
Veneto audiente publice habita

Anno CIDI CXIII. Mense Maio.



VENETIIS, M. DC. XIII.

Apud Franciscum Rampazettum Impressorem Ducalem.

RECEIVED BY
THE DIRECTOR
OF THE BUREAU OF
THE ARMY

(100)

THE DIRECTOR OF THE BUREAU OF
THE ARMY
WASHINGTON, D. C.
JANUARY 10, 1911
GENERAL
JAMES H. HARRIS



RECEIVED
JAN 10 1911

ILLVSTRISSIMO
ANDREAE MAVROCENO
SENATORI AMPLISSIMO.

Leonardus de Vico Iacobi filius , S.

ALIORVM consuetudine magis,
quam gloriæ auiditate ductus Ora-
tiunculam hanc in funere Illustri-
simi , ac Reuerendissimi Cardinalis
Zeni à me habitam ; edendam , ac
diuulgandam curauì . Quod cum
facturus essem , neminem habui , cuius sub patrocinio
magis , quam tuo eandem in publicum prodire vellem .
Non modo , quod ipsa , quo per se tenuior erat , eo fir-
miori adminiculo indigebat ; sed etiam , quod tota dô-
mus nostra additissima semper fuit Illustissima Fa-
milie Maurocene , ex qua sicuti viri summi omni tem-

A 2 pore

pore floruerunt ; ita nunc tu ex ipsa oris , integritate ,
elouentia , doetrina , & virtutibus omnibus ornatus in
Reip. administratione talem te præstas ; ut maiorum
tuorum dignitati respondeas ; immo ipsam magis , ma-
gisq; augeas . Quid longius repetam necessitudinem , quæ
Auo meo Magno Cancellario , cum Patre tuo Illustris-
simo viro summa intercessit ? quid Parentis mei , om-
niumq; nostrum obsequentissimam tibi voluntatem ?
quid benignitatem erga nos omnes tuam ? quæ omnia ad
hanc Orationem tibi dicandam me impellebant . Huc
adde , quod tibi optimarum artium amantiſſimo , libe-
raliumq; studiorum Instauratori , quodam quasi præci-
puo iure tuo , hæ laborum meorum primitiæ debebantur .
Illud erat extremum , quod haud scio an primum pu-
rem . quia scilicet in hac breui Oratione quedam de
Pietate erga patriam , cuius studiosissimum te semper
præbuiſti , continentur . Hoc igitur munusculum , obser-
uantie erga te meæ signum , hilari accipe fronte , quod
si tibi rude , & exiguum esse videbitur ; ætate meæ ,
qui nondum xij. annum attigi , simulq; temporis angu-
stijis ignoscet . Quid enim magnum semihoræ curriculo
pronunciari potuit ? Res præterea sapius ab alijs tracta-
ta difficiliorem quodammodo efficiebat orationem meam .
Nihil enim mihi proferre licebat , quod ab alijs antea
non fuisset dictum , & quiddam tale excogitandum
erat ; ut ego res ab alijs tractatas repetens ipsorum ve-
stigijis

93
stigijs inherere nequaquam viderer. Quod si (te iudice) aliqua ex parte me consecutum fuisse sensero; labores hosce à me non frustra susceptos esse arbitrabor. Vale.





ORATIO.



ERROR, ne quis vestrum (Serenissime PRINCEPS, Illustrissimi Oratores, Amplissimi Patres) mihi vitio vertat, temeritatemque, meam improbet; quodego, qui non modo ad agendum, sed ad audiendum quoque, alicui fortasse, videor parum aptus; cum nihil auctoritate, nihil exercitatione, nihil arte, nihil ingenio valeam, locum hunc ad dicendum amplissimum; quo nihil nisi perfectum ingenio, & elaboratum industria afferri oporteret, ausus sim conscendere. Altera vero ex parte diuinus iste conspectus vester summam præ se ferens benignitatem, atque clementiam, mihi non solum mente; sed etiam voce, ac corpore contremiscenti animos addit; me confirmat, me excitat, me impellit. Atque eo magis etiam, quod id onus viribus quidem meis impar, non absque causa tamen a me receptum fuit. Primum, enim ab ijs mihi impositum est, quorum voluntati, ac nutui me non morem gerere, nefas esse arbitror. Deinde, hanc orationem meam, qualiscunque erit, ipsi Illustrissimo Cardinali Zeno; cui, hodierno die funus ex veteri S. C. solenni pompa publice instauratur, non inhonestam futuram confido. Nam cum eius laudes superioribus annis summorum, præstantissimorumque Oratorum stylo, & eloquentia fuerint celebrata: si ego nunc hac rudi, atque puerili voce mea eundem commendauero, efficiam ut posthac

A 4 iure

ture dici possit : illum a summis , atque infimis laudatum fuisse . Tum , quemadmodum contingere solet ; vt mellis dulcedinem magis sentiamus , cum amarum aliquod degustauimus , ita vos , Auditores ornatissimi , ex elegantissimis eorum orationibus , qui ex hoc loco , aut ante me verba fecerunt , aut post me facturi sunt , suauiore voluptatem percipietis , si nunc me pingui (vt aiunt) Minerua agentem audieritis . Postremo , tale mihi argumentum proponitur , in quo oratio nemini quamuis imperito , possit deesse . Dicendum est enim de Illustrissimi , ac Reuerendissimi Cardinalis Ioannis Baptiste Zeni singulari , eximiaque virtute , quæ tantam dicendi segetem præbet , vt orationis difficilius sit exitum , quam initium inuenire . Itaque non tam copia erit mihi conquirenda , quam satietas vestra refugienda . Verum ego breuitati studens , quæ & meæ huic ætati , & occupationibus vestris grauissimis aptior erit , ea quæ de ipsius Patria , Familia maioribus ; de summa religione , integerrima vita , diuino ingenio , admirabili doctrina , scientia ac cognitione omnium rerum inaudita disertissime ab alijs , ac sæpius disputata fuerunt , penitus omittam ; & de singulari tantum ipsius erga patriam pietate pauca dicam , quæ cum breuiter attigero , perorabo . Sed huic eius virtuti , quæ poterit par oratio inueniri ? quid est , quod quisquam aut dignum illo , aut vobis nouum , aut cuique inauditum possit asserere ? nemo enim ignorat , quanto is patriæ amore semper exarsierit ; qui cum adhuc etiam puerulus esset Patriæ , ac Reipublicæ caritatem celeberrimis sermonibus usurpare consueuisset : vt vero e pueris excessit , & ad maiora se conuulit ; cum aliæ virtutes omnes , quibus is ornatissimus erat , tum hæc in primis vna cum ætate ita creuit , vt nihil addi posse videretur . Optime enim recordabatur , quæ ex sapientissimorum virorum libris didicerat : Nihil esse ex omnibus rebus humanis præclarius , aut præstantius , quam de Rep: benemereri . & : Non solum nobis natos nos esse ,
sed

sed etiam patriæ. Et: Neminem patriæ parem referre gratiam, etiam si vitam impendat. Confirmabaturque præclaro illius Lacenæ responso, quæ cum filium in prælium misisset, & interfectum audisset: Idcirco (inquit) genueram; qui pro patria mortem non dubitaret occumbere. Itaque Zenus noster, ut huic Patriæ suæ utilitati esset, atque ornamento, & ut quod ipsi debebat, quoad eius fieri posset persolveret; nullum incommodum, nullum sumptum, nullum laborem, nullum denique periculum subterfugit. Nec quisquam unquam damnum, aut suam ipsius infamiam tanto studio euitavit, quanto ille patriæ utilitatem, ac decus semper consecutus est. Et cui id dubium esse poterit? cum unicuique pateat, & oculis ipsis cernatur, multis, & varijs rebus ab eo patriam exornatam fuisse? nam ille varia templa instauravit, ornauit, auxit, struxit. Ex quibus D. Fantini celeberrimū sanum maximo sumptu constructum omnibus se præbet intuentum. Loca item cum ad peregrinantes excipiendos, tum ad ægrotantes curandos instituit, ac sustentauit. Quid? cum is liberalitate sua incredibili remp: ex hostium faucibus ereptam incolumem præstitit? quo pacto? cum Genuenses magnis copijs illam oppugnarent, diuturnisque bellis exaustum esset ærarium, & idcirco magno in discrimine respublica versaretur, quod nummi ad classes, exercitusque sustentandos deficerent; quid ille? ubi id cognouit (erat enim Romæ) e vestigio pecuniam ad belli subsidia reip: dono misit. Quantam? quanta satis esset non modo ad rempublicam defendendam; sed etiam ad hostes confringendos. Quid insuper? magnificentissimum ipsum munus humanissimis verbis est prosecutus, inquiens: Quæcumque ipse possideret ea non magis sua a se iudicari, quam Reipublicæ, & se paratissimum esse, non solum, ad rem omnem, sed vitam quoque ipsam, ac sanguinem libentissime pro patria effundendum. Qua quidem eius liberalitate ab imminente exitio hæc pulcherrima vrbs tunc liberata fuit, quæ

quæ gloriosum sibi duxit, auro, & argento priuati ciuis sui
conseruatam fuisse, vt olim nummis ex corio confectis inco-
lumen se præstitisse, gloriosissimum putauit. Sed singula me
persequi haud necesse esse arbitror. quare alia, quæ huius
generis ille fecit plurima, sciens, prudensque ne longior
sim prætereo; ea tamen licet ipse non enumerem, vos pru-
dentissimi Auditores assequi potestis coniectura. Ego tan-
tum dicam, nullo vitæ suæ tempore, nullo loco hunc Patriæ
defuisse. Immo cum maximis, honestissimisque perfunctus
laboribus, præclarissimisque rebus gestis, ad cælestia præ-
mia se vocari sentiret, Roma discessit patriam versus; vt si
fieri posset, vbi primum duxerat spiritum, ibi quoque su-
premum redderet; & vbi oculos primum aperuerat, ibi quo-
que tandem eosdem clauderet. Sed cum Patauium perue-
nisset, ingrauescente morbo, rebus suis optime compositis,
Deo creatori innocentissimam animam reddidit. Et cum
in omni vita, quanto patriam amore prosequeretur, ostendisset;
id post obitum quoque suum omnibus perspicuum esse
voluit. Nam cum quædam varijs pijs operibus legasset,
bonorum suorum omnium, quæ maxima, & fere incredi-
bilis erant Rempublicam hæredem instituit. O virum præ-
stantem, omnique laude dignum. O ciuem eximium. :
O Patriæ pietatem inauditam. Nullius tantum est flumen
ingenij, nulla dicendi, aut scribendi tanta vis, tanta copia,
quæ non dicam exornare dicendo; sed ne recensere quidem
enumerando possit singula huius viri merita, ac res in hac
vita præclare ab ipso gestas; in quo Fortuna, ac Natura cer-
tatim omnia bona sua congesserant; in quo virtutes magni-
tudine maxime, numero innumerabiles, præstantia præstan-
tissimæ elucebant. tamen affirmo, & hoc bona illius venia
dicam, qui nunç cælo me audit; nullam ex his esse laudem
ampliorem, quam eam, quam ex patriæ ardentissima cari-
tate consecutus est. Sæpe ante mentis oculos mihi pono;
mecumque ipse considero illius eximias virtutes, quæ non
modo

56
modo ex annalium monumentis ; sed etiam ex ipsa fama facillime colliguntur : quam sapiens in diuinarum , humanarumque rerum scientia fuerit ; quam prudens in appetendis , fugiendisque rebus ; quanta fide in rebus creditis ; quanta patientia in aduersis ; quanta humilitate in secundis ; quanta moderatione in omnibus animi perturbationibus regendis , ac coercendis ; quanta beneuolentia in amicitijs ; quanta fortitudine in periculis , ac laboribus ; quanta liberalitate in vsu pecuniæ ; quanta benignitate erga omnes : sexcenta alia ornamenta possem recensere , quæ illum immortalem fecerunt . Incredibili tamen erga patriam pietate , nihil insignius , nihil egregius , nihil admirabilius . Nam virtutes ceteræ quamuis magnæ sint , immo maximæ ; tamen ipsi cum alijs permultis viris præclarissimis fuerunt communes . In qualibet enim ætate viri magnis virtutibus ornati floruerunt ; at immensa Patriæ pietas , quæ nullam commodi sui rationem ducat , nullam gloriam suam respiciat , nihil spectet , nihil curet aliud , quam Patriæ , & Reipublicæ bonum , meo iudicio , perrara semper in terris extitit . Damaratus quidem Lacedæmonius patria pulsus , cum Athenis exularèt ciues suos belli admonuit , quod aduersus eos tacite Athenienses comparabant . Eredæus , vt sibi ac patriæ victoriam , acquireret filiam immolauit . Themistocles patria eiectus , vt ab ea se oppugnanda abstineret sanguine taurino epoto mortem sibi consciiuit . Duo fratres Carthaginienses Phileni nomine viuos se obrui passi sunt , vt patriæ suæ fines dilatarent . Aristoteles , cum audisset Stagyram patriam suam ab Alexandro Rege euersam , ab eodem , vt instauraretur , precibus impetrauit . Tres Decij vitam suam pro patria deuouerunt . Curtius in terræ hiatum , se immisit , vt patriam à peste liberaret . Ancurus Midæ regis filius præceps in aliam item voraginem desiliit ; vt patriæ suæ opem ferret . Genucius Cipo voluntarium sibimet , ac perpetuum indixit exilium ; ne patriæ suæ Rex esset . Hos
fama

fama ad lydera tollit ob caritatem, & amorem erga patriam
tamen si facta singulorum diligentius considerantur, quilibet
ipsorum, alicui fortasse videri poterit, patriæ inferui-
uisse, aut parua in re, aut semel tantum in vita sua, aut qua-
dam temeritate magis, quam prudentia ductus, aut etiam
suar potius vtilitatis, ac gloriæ, quam reipublicæ, ac patrię
caussa. Quod de Illustrissimo, ac Reuerendissimo Zeno no-
stro non modo vere dici, sed ne suspicari quidem potest.
Cum in omni tempore, ac loco, nulla sui commodi, aut lau-
dis habita ratione rempublicam adiuuerit. Quod si ei non
contigit, vt vitam pro patria effunderet, omnibus tamen
notum est, illum ad omnia pro republica subeunda pericula
paratissimum semper extitisse, ita vt si fortuna vlla id postu-
lasset, mortem quoque ipsam pro ea non esset recusaturus.
Itaque gloriosum quidem Illustrissimo Cardinali nostro fuit
in hac vrbe natum esse, quæ in medijs sita fluctibus tanta
omnium admiratione conspicitur, vt nihil in orbe tetrarum
admirabilius esse posse, quasi vna omnium voce prædicetur;
quæ ita vndis vndique cingitur, & interfecatur: tam multis
ædificijs constat, tamque excelsis molibus se extollit; vt in-
tuentibus dubium relinquat, magisne in aquis, an in terris,
an in aere dominetur. Gloriosum quidem Illustrissimo Car-
dinali nostro fuit huius reipublicæ ciuem patricium fuisse,
quæ semper extitit optimorum institutorum officina, religio-
nis exemplum, maiestatis domicilium, virtutum hospitium,
Christianæ fidei tutamen, ac propugnaculum. Gloriosum
quidem Illustrissimo Cardinali nostro fuit ex antiquissima
Zenorum familia originem ducere, ex qua tot insignes viri
orti sunt, ex qua Rhennerius ille Venetiarum Princeps, qui
Genuenses classe bis deuicit; ex qua tot Andree, Petri, Ca-
roli, Catarei legationibus, imperatorijs virtutibus, titulis,
victorijs, summorum Principum, ac Regum clientelis, atque
affinitatibus, & Procuratoria denique dignitate clari florue-
runt. ex qua Raphael, ex qua Nicolaus celeberrimi efful-
serunt.

ferunt. Gloriosum quidem Illustrissimo Cardinali nostro fuit ex Patre Ioanne Zeno ortum fuisse, tanta virtute, & humanitate ornato viro; ut cum aliquandiu Diui Marci Procurator extitisset, tandem dignitatem illam ab alijs magno studio conquistam vltro deposuerit. Ex Matre vero lectissima femina e Barborum familia, quæ duorum Pontificum Maximorum propinquitate emicuit: cum fuerit Eugenij Quarti Neptis, & Pauli Secundi Soror. Gloriosum denique Illustrissimo Cardinali nostro fuit, a Pontifice summo ad amplissimum Ecclesiasticæ dignitatis gradum euectum, & purpureo galero virtuti, ac meritis debito, omnibus ordinibus, hominibusque plaudentibus decoratum fuisse. Attamen omnium gloriosissimum ipsi fuit, semperque erit cum virtutibus alijs omnibus; tum præcipue pietate erga patriam insigni ornatum fuisse. Hinc enim fiet; ut etas nulla vnquam de ipsius laudibus conticescat: ac tantæ gloriæ nulla allatura sit finem dies. Immo quôtidie magis, magisque eius virtutis effloreat memoria. Nam quemadmodum legimus senescentem Phœnicem cassia, & thure, & alijs odoribus nidum, seu potius rogam sibi struere, ut ex illo funere postea renascens vitam sibi æternam comparet: ita Cardinalis noster plurimis ac maximis in rempublicam collatis beneficijs præclarissimum sibi construxit funus, ex quo nouæ Phœnicis instar, eius gloria sempiterna reuiuifcat. Et profecto ex omnibus rebus humanis nihil in terris est patriæ pietate maius, nihil venerabilius. Quid enim respublicas seruat? Pietas. Quid illas per omne tempus intactas tuetur? Pietas. Quid ciues immortales reddit? Pietas. nam ex Pietate præclaræ actiones, ex præclaris actionibus gloria, ex gloria nascitur immortalitas, & ideo eius maiestati, ut ille inquit, non modo fraterna caritas æquo animo, ac lubenti cedit; sed illa quoque, quæ diuino numini æquatur auctoritas parentum vires suas subiicit: nec sine causa. Nam eversa domo intentatus reipublicæ status manere potest. Urbis
ruina

ruina penates omnium trahat secum necesse est. Tu quidem
 Illustriss. ac Reuerendiss. Zene summo patriam amore pro-
 secutus fuisti. Sed in hoc felicissimus es. Si enim amor nulla
 alia re compensari potest, quā amore; amore summo à patria
 compensatur amor tuus. Ecce enim quāta animorum alacri-
 tate, quanto studio, quanto concursu etiam cētesimo, & vn-
 decimo post anno funeris tui memoria quotannis recolitur.
 Ecce quanto silentio, quanta attentione, me de te verba fa-
 cientē audit hic frequentissimus concursus, hic amplissimus
 totius orbis terrarum confessus. Immo, vere dicam, huius au-
 gustissimi templi parietes quoq; & columnæ ipsæ mihi vidē-
 tur gestire, te laudibus efferre. Sed quo me patrię rapit pietas
 propositi mei, ac præscripti mihi temporis pene immemorē?
 iam orationi huic meæ finis constituendus est, ne silentio ve-
 stro abuti videar. Illud vnum subnectam: viri huius vitam,
 qui sui ornamento, exteris admirationi, sibi met glorię im-
 mortali fuit, totam ciuibus omnibus singulare exemplar ex-
 titisse, quod intuentes vitę suę cursum ad immortalitatem di-
 rigant. Nam is omnium gentium litteris, ac linguis celebra-
 bitur, & immortalis viuet, non tam quod respublica monu-
 mentum ex ære ductum ei constituit; in quo ipsius Illustris-
 simi viri cineres conferuentur; quam quod aliud monumen-
 tum omni ære, omni auro preciosius erexit; in quo nomen,
 ac gloria Cardinalis Zeni non mortua iaceat: sed viua sem-
 per floreat; scilicet corda vestra, Sereniss. Princeps, atq; opti-
 mi ciues. Illud quidem æreum per multa secula permanebit;
 sed quoniā nihil est labore, aut manu factū, quod ipsius tem-
 poris ictibus non possit confringi, tandem consumetur. At
 laudem, at gloriam animis hominum insertam nulla delebit
 obliuio, nulla obliterabit vetustas; immo illam posteritas alet,
 illam ipsa æternitas semper tuebitur. Felix Respublica, quę
 tales nacta es Ciues. felicissimi Ciues, qui ita gratam, ita me-
 morem nacti es patriam. Cui à Deo Optimo Maximo bo-
 ni omnes imperium precatur felicissimum, ac sempiternum.

F I N I S.